

Radio e Televisiun Rumantscha

Via da Masans 2 / Piazza dal teater
7002 Cuira

Tel. 081 255 75 75

Fax. 081 255 75 00

E-Mail: esther.bigliel@rtr.ch



Communicaziun a las medias

Il 10avel Top Pop Rumantsch - Current da Cuira

Cuira, ils 3 da matg 2007. - Il dieschavel Top Pop Rumantsch preschenta puspè ina premiera, el dat la vusch ad ina grupp che chanta normalmain en dialect tudestg. Ils Notschtrum da Cuira fan la «Proxima damonda». Exclusivamain sin Radio Rumantsch.

Chantar en il linguatg mamma avria barrieras, di Daniela «Candy» Candinas, quai laschia daventar pli persunala la chanzun. Perquai ha sia grupp da rock Notschtrum bandunà l'englais e tschernì il dialect da Cuira sco lingua da chant. Quai gia avant trais onns circa. Ma ussa emprova Daniela da rumper anc in'ulteriura barriera. Pertge che sia autra lingua da chasa - il num da famiglia tradescha - è il Sursilvan. Damai ina chanzun rumantscha sco nova sfida per ils Notschtrum. Sustegn direct survegn la chantanta davart dal tastadur da la band, il Flavian Gieriet, ch'è creschì si a Domat. Ils dus fan uss in bel gieu da «clom e resposta» en il toc che porta il titel «Proxima damonda» e che sa splega sur in rittem alert a la moda dals onns otganta. In'expressiun d'energia positiva saja la chanzun, manegia Daniela Candinas, in appell da sa fidar da l'agen giudizi e da na sa laschar irritar da dumondas existenzialas. E la vusch frestga da Candy conferma il cuntegn.

Cumposiziun: Marco Tscholl, Flavian Gieriet

Text: Daniela Candinas, Benedetto Vigne

Producziun: Manfred Zazzi, Notschtrum

proxima damonda

proxima damonda: tgi eis ti
e tgei la vita mintga gi?

proxima damonda: sas ti tgei
quei che fa che ti resentas tei
quei che muossa l'olma a ti?

e sche ti rispundas
la verdad ei quei che ti sentas
neu e crei a ti
tut la verdad en tei

proxima damonda: ei l'amur
caussa da mintgin e da mintgina?
proxima damonda: tgei colur
han tes siemis oz sut la glina
e pertgei ein tons buc perina?

e sche ti rispundas
la verdad ei quei che ti sentas
neu e crei a ti
spira verdad en tei

Notschtrom - la grupp da Cuirà è naschida l'onn 2005 or dals rests da la band Strike. Da la partida èn la chantanta Daniela «Candy» Candinas, il ghitarist Marco «Jollo» Tscholl, il tastadur Flavian «Flavi» Gieriet, il bassist Aris «Dögi» Dogas ed il batterist Mario «Stick» Melcher. Il schaner 2006 han ils Notschtrom publitgà lur emprim album «Schära, Shtai, Papier», sortì sin il label da la firma K-tel. Dapli infurmaziuns sin www.notschtrom.ch.

per ulteriuras infurmaziuns:

Jachen Prevost, manader redacziun da musica RR, tel. 081 255 75 75,
jachen.prevost@rtr.ch